

遂溪縣志卷二

沿革

易繫改邑不改井邑或改者宜革而革也井不改者當沿而沿也沿革之義惟其時而已矣自古建立都邑代有不同或一朝數易或數朝一易或仍其地而異其名或仍其名而異其地其中或分或合隸彼隸此無非因時勢以定規畫也遂邑古屬南交未嘗分疆置吏至漢始設徐聞縣至唐始設遂溪縣分合稱名屢代各異非參考而詳志之則前後變更且有身履其地而不知其名者又何以

遂溪縣志

卷之二

沿革

一

晰古今權宜之用哉志沿革

沿革志

按史遷顓頊記曰北至幽陵南及交阯莫不底屬遂邑在交阯之東與中土較近可知五帝時已通聲教特地處邊徼未嘗專爲置吏故無可考耳陶唐屬南交書曰申命羲叔宅南交註謂南交南方交阯地也

虞夏屬荆揚南裔按之地輿屬揚州較多當時僻壤邊隅禹跡所未至

商周仍之

春秋時在楚越之交

戰國時越王無疆爲楚所滅屬楚而地在邊徼越諸族子奔居嶺南各稱君長號百粵粵與越通遂地爲百粵南境

秦始皇時取百粵置南海桂林象郡設南海一尉以典之所謂東南一尉是也當時遂地屬象郡秦末漢初趙陀據南越各郡稱帝時遂地屬南越漢武帝元鼎五年使伏波將軍路博德率師平南越六年冬定南越地分置南海蒼梧鬱林合浦交阯九真日南珠厓儋耳九郡設交阯刺史領焉雷

遂溪縣志

卷之二

沿革

二

屬卽合浦地路博德所開者也按遂地秦屬象郡旋歸南越至伏波將軍平定始置合浦郡旋析合浦郡地置徐聞縣而遂溪卽徐聞縣地此雷屬隸中國版圖分疆置吏之始也

新莽時交阯諸郡閉境自守

東漢光武建武五年交阯牧鄧讓率各郡太守奉貢歸漢時遂地屬合浦郡徐聞縣

建安八年改交阯爲交州時遂地屬交州合浦郡徐聞縣

三國時初屬蜀後蜀失荊州地入吳吳置五州曰

荆口郢曰揚曰交曰廣改合浦郡爲珠官郡時遂地屬交州珠官郡徐聞縣後仍改珠官爲合浦郡晉因之

宋於合浦郡置越州遂地屬越州合浦郡徐聞縣齊永明中改徐聞縣爲齊康郡領樂康縣後改齊康縣時遂地屬齊康縣

梁析越州置合州旋改爲南合州時遂地屬南合州齊康縣陳因之

隋開皇九年省合浦郡仍置合州兼置海康縣廢遂溪縣志

卷之二 沿革

齊康郡置隋康縣十年置鐵杷縣當時並有扇沙樞川二縣置時無考三縣皆今之遂溪地也

大業初改合州爲合浦郡復析置徐聞郡

唐武德四年省徐聞郡仍爲南合州十四年分合浦郡置合浦州領海康隋康鐵杷扇沙四縣

貞觀元年改南合州爲東合州二年復隋康縣爲徐聞縣省樞川扇沙入鐵杷縣八年改東合州爲

雷州天寶元年改雷州爲海康郡二年改鐵杷縣爲遂溪縣此遂溪建邑置吏之始也

乾元元年復海康郡爲雷州領海康遂溪徐聞三

縣五代南漢仍唐舊制

宋開寶四年改雷州為雷州軍省遂溪入海康廢

徐聞縣為遞角場雷州軍領海康一縣五年復置

雷州紹興中復置遂溪徐聞二縣

元改雷州軍為雷州路領縣仍如宋制

明洪武元年改雷州路為雷州府屬廣東行省參

政領海康遂溪徐聞三縣

國朝因之

沿革一類祇詳遂地建邑始末至官吏營伍之

增設裁汰則於紀事誌之

遂溪縣志

卷之二

沿革

四

紀事

從來國有國史紀載前事所以廣見聞垂鑒戒也

邑志即為一邑之史歷代治亂災祥之故皆宜備

書觀其所由治可以揆幾定務觀其所由亂可以

思患預防觀其災祥可以動人修省非但為考証

之資已也特詳紀事

紀事志

秦始皇利粵之犀角象齒翡翠珠璣乃使尉官名屠

睢監祿監御史名發五軍鑿渠通糧道與越人戰

殺西甌君譯吁宋越人皆入叢薄中莫肯為秦者

陰置桀駿爲將攻殺誰秦乃大發兵使任囂盡畧取百越地分郡置尉以任囂爲南海尉秦二世時中國亂南海尉任囂病篤以龍川令趙陀有才畧召與語曰中國擾亂未知所安嶺南可以立國郡中長吏無可語者故召公告之卽授陀書行南海尉事囂死陀聚兵自守因以法誅秦吏秦滅卽擊併桂林象郡自立爲南越武王都番禺漢高帝克楚定天下而嶺南猶屬南越時帝厭用兵十一年詔以南海尉陀長治南方甚有條理因使陸賈授璽綬立陀爲南越王

高后臨朝有司請禁南越關市鐵器陀遂自帝其國後受文帝詔迺去帝號復稱王

武帝元鼎五年陀傳五代其相呂嘉作亂殺其王與太后及漢將田千秋帝遣伏波將軍路博德樓船將軍楊僕討平之南越地悉內附

東漢建武十六年交趾女子徵側徵貳反九真日南合浦蠻皆應之十七年以馬援爲伏波將軍討交趾擊徵側徵貳於浪泊大破之十九年夏追斬徵側徵貳交趾悉平豎銅柱於分茅嶺是時畧畧地至雷州元初三年蒼梧合浦蠻反遣侍御史任

連督州郡師討降之

隋唐之間高州刺史馮盎擊新興賊洗寶徹擒之
遂有番南珠厓地自號總管

唐武德五年馮盎以地降投盎子智或南合刺史

南合雷
郡地

後梁開平二年以清海軍節度使劉隱兼靜海軍
節度使安南都護時因中原多故隱盡併嶺南之
地進封南平王隱卒弟巖嗣巖旋自稱尊號改國
號曰漢宋開寶四年遣桂州道行營部署潘美帥
師平南漢劉巖傳至孫鋹遊蕩無度作燒煮剔剝

遂溪縣志

卷之二

紀事

六

刁山劍樹之刑太祖聞之驚駭曰吾當救此方之
民以是遣潘美代之鋹降嶺南悉平

改雷州爲雷州軍

紹興二十六年知雷州軍事何庾築塘渠道導水灌
東洋田雷地病燥涸庾築特侶西湖二塘堤通渠
水灌東洋田萬頃民利賴之

隆興二年減高雷二州罪囚夏秋二季租稅

乾道六年知軍戴之邵修築捍潮長堤洋田爲雷
民命脈惟恃長堤禦捍鹹潮始不傷稼日久崩壞
迺人築之

德祐元年曾淵子開督府於州時元兵日迫臨安戒嚴淵子同知樞密院事棄位而逃削職居雷遂起兵據之

祥興元年元將史格克雷州據之曾淵子自雷州奔赴行在時帝御舟泊碇洲淵子爲元所襲奔赴帝所隨至厓山以爲參知政

太傅張世傑遣安撫使張應科帥師復雷州不克死之

元至元十五年設各縣達魯花赤

猶漢語知縣

行中書省平章阿里海牙平海北駐師於雷州

遂溪縣志

卷之二

紀事

七

十八年改雷州軍爲雷州路設總管府設海北海南宣慰司駐雷州

二十八年設海北海南道肅政廉訪司

至正十五年土賊麥伏來張子三等據遂溪徐聞以叛十九年化州樞密院同僉羅福擊麥伏來等平之陞福宣慰司都元帥

明洪武元年遣征南將軍廖永忠取廣東羅福以雷州降裁宣慰司設雷州衛領左右二千戶所遣指揮張秉彝戍雷州改路爲府領海康遂溪徐聞三縣

命永嘉侯朱亮祖鎮廣東師次雷州

二十七年命安陸侯吳傑都督馬鑑視雷要地立海康海安樂民錦囊四千戶所以備海盜從廣東指揮使花茂奏請也

是年始命備倭

永樂七年颶風大作時颶挾鹹潮汎濫至城海堤沖壞民溺死者眾知府王敬捐資恤之

十四年詔採珠

十八年蠲免海康遂溪二縣本年田租布政司上言今夏颶風暴雨海水漲溢傷民害稼田祖無徵

遂溪縣志

卷之二

紀事

八

者一千六百石遂免之

成化元年廣西猯賊胡公威反流劫遂溪至雷州時承平日久民不知兵賊至奔入城相持日久城中疫起十死六七田野荒蕪戶口頓減

是年總兵歐信師次於雷與賊戰敗績海康知縣王麒禦賊於那柳村死之賊旋遁別境

宏治十二年詔採珠

十四年瓊州黎賊符南蛇反都御史潘蕃總兵毛銳討平之駐師於雷

正德五年守珠池太監牛榮激變於雷榮恃勢橫

暴苛斂以飽囊橐地方苦之故變

九年詔採珠於對樂池無珠乃止

十一年賊劫遂溪縣官民俱被擄至海濱乃放還
是年颶風害稼民告災乃減征

十四年守珠池太監趙蘭激變於雷蘭視牛榮尤
橫戕殺良民陳應魁誣奏知府王秉良逮於獄故
變

嘉靖元年罷採珠詔內監還京師因自正德以來
內使守珠池屢激民變且獲珠少而所費多故御
史陳實奏罷之

遂溪縣志

卷之二

紀事

九

三年遂地震

二十年瓊州崖黎反都御史蔡經總兵定遠侯柳
珣征之稅於雷

二十一年秋九月颶風壞廬舍禾苗次年雷民告
饑發賑濟

二十三年三月雨雹

二十七年瓊州崖黎復反都御史歐陽必進總兵
平江伯陳珪征之稅於雷

秋九月雨色綠是月地震

三十一年夏鹹潮暴溢

三十一年詔採珠次年颶風

四十三年廣西流賊突至經遂抵府殺守城門者二人

隆慶四年夏六月颶風

五年冬十二月晦倭賊突掠雷西南郊擄掠男婦地方幾破

萬曆五年甲子署縣理刑陳王政補築東溪土隴

六年秋彗星見西南方尾散如帚其長竟天五十餘日方滅

十五年蝗殺稼

十七年颶風水溢害稼

遂溪縣志

卷之二

紀事

十

二十年春二月地震

二十三年旱無禾稼次年大旱赤地千里饑民死者萬計守道洪敷誥知府伍士望捐廉賑濟

二十六年詔採珠冬地震

二十九年春三月倭賊自淡水登岸據龍鬱村官兵進戰多為賊所傷署參將臧國光退縮不出知府葉修募兵防禦東山參將鄧鍾督兵討之雷境以安

三十一年詔內監李敬採珠加條鞭餉次年地大震

三十七年召內監李敬還京罷採珠

四十一年崖州黎反命將征之師由遂次於雷是年無功

四十二年命將再征崖黎師由遂次於雷

四十八年詔增邊餉

崇正三年庚午吏部題裁冗官以舒國用裁遂溪主簿一員樂民倉大使一員桐油驛驛丞一員樂民所吏目一員

五年四月海賊劉香入寇東海白鴿寨遂溪震恐總兵鄭芝龍遣將陳鵬來援大破賊於北濶門香

遂溪縣志

卷之二

紀事

十一

遁去是年七月十四大水水及縣之儀門

八年都御史熊文燊檄五府總兵鄭芝龍會兵剿海寇斬劉香餘黨悉平

秋八月命府州縣積穀抽十之三助邊餉徵生員優免丁銀助餉

十年增置營兵於淡水港以此港為雷咽喉要地知府朱敬衡詳兩院撥白鴿寨兵四十名及陸營兵建營於此委一衛弁統之

國朝

世祖章皇帝順治元年甲申夏四月

本朝定鼎京師

四年丁亥春二月大兵至雷明參將蔡奎率屬迎降總兵官汪宗宏等入雷州官民安堵宏與降盜黃海如同鎮雷未幾如復叛

冬十二月黃海如攻陷府城汪宗宏出走海如據雷州先九月明監軍古胤都督孫時顯帥狼兵圍城不克海如通蔡奎爲內應合攻陷之遂據府城稱宮保土賊陳仕陞張彪爲之牙爪富者破家貧者斃命大爲民害總兵官冑可義旋破之於平岡坡海如竄入海颶風舟覆死焉

遂溪縣志

卷之二

紀事

三

八年辛卯春正月平南王尙可喜靖南王耿繼茂定廣東總兵徐成功師至雷州雷民歸順定雷州營制錦囊遂溪營守備各一員白鴿寨水師參將一員守備一員各統轄千把總委知縣田含璞任遂溪知縣督徵糧餉

夏五月土賊通僞賊李元超等陷遂溪田含璞奔石城郭馬陳三將旋白石率兵復遂

秋九月大水浸南城旋大風海湧風中有火通邑禾稼無收

九年壬辰靖南王統師至雷擒僞高雷鎮海康伯

李明忠斬之時雷人王之翰入山不雜髮征之不克翰在北筭巢翰弟之鑑在內港巢左營陳傑在烏叫巢右營黃占三在方家巢王禮士梁州牧黃寬等各聚黨劫殺占據西海一帶地方垂五六年十年癸巳六月偽漳平伯周金湯東安伯熊兆佐陷遂溪九月雷協將先啟玉率師復之十一年春明安西王李定國自廣西出石城陷高州雷協將先啟玉叛降冬平南靖南兩王大破李定國於新會高雷廉復定先啟玉仍歸附參議陳嘉善劾其罪斬之

遂溪縣志

卷之二

紀事

三

十二年設高廉總兵官

十三年巡按御史張純熙招撫西海王之翰出降遣人賚戶口冊計五千四百餘錄考生童達部送

學

遂溪生童遭亂不與考者二十年至此方錄考達部遂士始由此致身科貢

十四年豁免荒稅

雷經兵火後戶口零落荒蕪遍野知府陸彪聞之撫院奏豁免

荒稅十之四五由是民無被累官無叅罰而流移之民漸復業矣

十七年改定賦役全書 裁巡按衙門

是年鄭昌縛賊王鑑請降昌先從王鑑為盜副將江起龍會商遂令馬光遠守備喬文煥諭昌昌縛鑑以獻未幾復叛總兵粟養志斬平之

聖祖仁皇帝康熙元年蠲免順治十八年以前逋賦

時閩寇鄭錦猖獗

欽差大人科爾坤介山與平南王暨兩廣督院提督等巡視海濱居民令徙內地五十里貧不能遷者賑之二年癸卯總兵粟養志剿海寇楊二楊三敗之師旋至海康擒黃占三解之占三跡雖投誠而中懷囂詐常與二楊交通故擒之以解

三年再遷海移白鴿寨水師駐劄海安嚴詰海禁雷州東遷自遂溪之石門至特侶塘迄徐聞縣之海安所西遷自遂溪之橫山路達於徐聞惟遂溪遷之太甚僅存糧六百石

遂溪縣志

卷之二

紀事

十四

是年裁遂溪縣教諭一員城月驛丞一員

冬彗星見東南水賊黃明標寇山西雷協化石共七營討平之同知沈鈺生招撫難民五千餘戶

是年巡撫奏革各縣里長值月夫役

六年裁海北守道理刑廳

八年巡撫王來任奏准展界令民復業以海爲界復海安水師於白鴿寨

是年設分守道駐高州轄高雷廉三府並羅定州九年初築白鴿寨土城次年復水師哨船分隸白

鴿寨

十一年知縣智如愚開南門墟建新舖

十三年設分巡道轄雷廉二府

十四年夏六月高州總兵祖澤清叛雷協副將譚捷元白鴿寨士官陳大有應之全雷俱陷縱兵劫掠居民沿海村落屠劫尤劇

十六年夏祖逆歸順次年春復叛額將軍率師平之雷協副將譚捷元遁西山尋歸投誠病死祖黨土賊楊二梁羽鶴等阻雷南渡作亂沿海劫掠都統金榜選率師剿之

遂溪縣志

卷之二

紀事

五

十九年夏六月海寇謝昌孛積鳳巢於東頭山與楊二合夥據東海作亂擄掠男婦雷郡大震二十年春三月水師總兵蔡璋副將張瑜率舟師自海道大破賊於海門追至龍門盡破諸巢楊二遁海盜悉平

是年知縣朱光炳開縣北門建真武廟開北門墟二十一年復設儒學教諭

二十二年秋八月督院吳

提督許

按臨

巡閱邊海

是年改分巡雷廉道歸分巡瓊州道爲雷瓊道

二十三年春正月

欽差杜石二大人會同督院吳

撫院李

巡海開

禁復東海地方知縣宋國用捐給牛種勸墾遷稅

二百餘頃詳指渡船五隻以通東海先時東海民奉遷民無恆

業或有一二步採魚蝦時被守汛目兵百端勒索

遂迫控于監司程公核議以聞宋邑侯上其畧曰

遂邑復地大半山硤砂浮惟東海一隅土厚地行

魚鹽鱗集誠一邑之沃壤也遷界以來遂為棄上

毋論界外東海不敢越津飛渡即已展之界內猶

恐巡邏謹密誤罹法網樵牧者束手耕種者裹足

而沿海竈丁無敢廬舍聚居間有煎晒勢必朝去

夕還以致風雨颶蕩即有內港探捕悉畏防弁搜

求小民有望洋之嘆客人多聞風之懼是東海未

復之不便于民者也東海橫亘數十里外洋石峭

壽洶舟莫敢近且上有芷芎甸洲相峙門戶下與

錦囊聯為聲援洵為雷郡之左臂外藩也今白鴿

遂溪縣志

卷之二

紀事

六

寨雖設水師新復哨船而對面空虛不敢出汛巡
查保無有奸宄伏莽巢穴其上豈非棄地以資盜
糧乎况大洋飛鯨往來無定及至申請策應而賊
船已經遠通是未獲剿賊之功先受妄報之罪是
兵之困於東海未復者此也若令復還故土則飛
鴻來集魚鹽之利懋遷化居而兵聲遠震似犄角
相接之勢矣監司深然之未幾而奉展禁將來東
海漸為樂土林總日見予于此議不勝三致意焉
○邑人洪

是年裁遂溪營守備以雷協右營千總領兵一百

名防守縣城

是年停葺白鴿寨城城池之建歷有定制無容易

寨水師統舟扼險靜則演習動則巡遊原非陸營

可比迺有土弁陳大有家而忘國暫築土牆漸增

為城謀身則善矣至是博格馮村武黎進德蘆山
小山六社居民以修輒費數百金民不堪命遂奔控

於督院吳轉行道府下其議宋邑侯不避嫌忌愷切上陳其畧曰設兵所以衛民造船乃以防海未聞驅民力以供兵役踞陸地以習水戰如白鵠寨水師之移棲城內也遂屬沿海地方汛防緊要故專設水師船隻以爲捍禦所謂船不離汛兵不離船無事可以訓練有警卽爲策應則兵無玩心士有愾氣依水結寨眾志成城未雨綢繆之計至周且嚴原無土城之設也嗣因戰船俱撤萑苻間發營弁陳大有自謀兔窟割立土墻漸增爲城民逐於外兵居於內且令椿樓排柵不時更換風雨修築靡間歲月小民無擔石之粟遞年費數百之金是寨內之目兵安享其逸而六社之殘黎反任其勞是白鵠寨城之設雖屬一時權宜其爲厲民之階已不可勝言矣今海宇蕩平戰船復設似應仍駐汛口以甦民困况查芷芎乾體二寨並無圍牆則水師原爲防海而設其寨城之有無實無關於汛守若謂寨城現存不便罷撤應着寨內兵弁自行補苴永停六社修葺則熒熒子遺咸安枕席矣爰上其議各憲是而停之噫仁人之言其利溥哉

洪泮洙志

遂溪縣志

卷之二

紀事

七

二十五年設林東墟修湖光巖先賢書室

二十九年舉行積穀置常平倉

詔府縣各學置樂器

詔蠲免錢糧業戶免七分佃戶免三分

四十一年

頒訓飭士子文於學宮

四十五年改提督學道爲學院

五十一年

詔免本年地丁錢糧并各年舊欠定盛世滋生戶口額賦

編審丁數定爲常額續生人丁永不加賦

禁漁船出海帶軍器

五十六年申嚴洋禁商船不許私往南洋貿易有私往潛留外國之人督撫行知外國解回正法其出洋在是年以前者准其載回原籍

五十七年夏四月築東洋堤岸府城東有洋田萬頃爲海康遂溪民田交錯計堤一十七處水閘一十三處俱逼臨大海鹹潮衝激漸就傾圮郡人福建巡撫陳瓚疏請修築下其議於粵粵議允協易土塘以木石堤乃鞏固郡民賴之

是年設立沿海砲臺

遂溪縣志

卷之二

紀事

六

五十九年春令武職入文廟與文職一體行禮禁出海船私帶軍器嚴禁運米出洋

憲皇帝雍正元年癸卯

詔舉孝廉方正

命加文廟祭品加太牢一籩豆各一

禁現任官立生祠書院

十二月疏復特侶塘海康遂溪東洋一帶田疇因颶風衝激海潮淹傷禾稼鹵氣深入難以耕種其西北有特侶塘受二十四坑之水廣四十八頃明時築東西堤閘導水南流由土龍大河匯西湖諸

水以溉南洋田又開八大渠入大肚河又開二十四小渠以沃海康遂溪東南之田日久堙塞田中不能資水刷鹹半成荒土至是疏之

二年

命建忠義孝弟節孝祠男女各建一祠春秋致祭

頒到

聖諭廣訓

三年申禁詳甲法

六年

命拔貢六年舉行一次

遂溪縣志

卷之二

紀事

九

申禁私出海洋

七年春給各官養廉

蠲免庚戌年地丁錢糧

設約正各縣大村鄉設立講約於舉貢生員內擇有學行者充約正每月朔宣講

聖諭廣訓

增設學政一員一巡嶺東廣南韶潮惠連屬焉一巡嶺西肇高雷廉瓊羅定屬焉

八年改設分巡道以高雷廉道駐高州統轄三府改雷瓊道爲海南道專轄瓊州俱加兵備銜

給雜職官員養廉有差
添設各學額外教職一員

頒到

聖祖仁皇帝御纂性理精義詩經傳說彙纂春秋傳說彙纂刊布學宮

高宗純皇帝乾隆元年丙辰

詔開博學鴻詞科

給各教職全俸

併白鴿寨水師於右營移右營守備駐之

二年改南海道爲雷瓊道兼轄雷瓊

遂溪縣志

卷之二

紀事

三

七年定選拔之期爲十二年

十年蠲免各縣地丁錢糧

十六年復併廣東學政專任一員

二十七年改雷州各營歸瓊州鎮管轄

三十五年蠲免各縣地丁錢糧

四十四年

命刊

世宗憲皇帝諭旨訓飭士子於學宮

五十五年蠲免各縣地丁錢糧

是年海盜劫楊甘市

此海盜上岸劫擄之始自後近海村庄被劫者甚眾並從

其畧

仁宗睿皇帝嘉慶元年丙辰

詔舉孝廉方正

是年九月初一西溪大水入城惟縣大堂學宮不沒其餘各房屋俱被冲壞

蠲免各縣地丁錢糧

六年八月會匪林添申等作亂知府五泰督率兵弁鄉勇擒之

七年增雷州營兵一百名時海盜充斥本營兵不敷防禦抽三江口協步兵二十名守兵八十名撥歸左右二營防海

秋海盜劫海山村樂民汛把總李春榮禦賊死之

遂溪縣志

卷之二

紀事

三

春榮禦賊海濱力竭救兵不至被賊眾支解慘害九年四月初三夜海盜烏石二聽會匪符老洪計乘兩劫調塾村附生梁思垣因父被賊傷憤不顧身出賞糾率鄰村壯勇追殺至海頭港擒殺盜賊數十餘名餘盜帶傷奔逃自是海頭各社盜無敢登岸劫村者

十四年冬海盜烏石二等肆逼郡城叅將德興海康知縣陳邦燮禦却之賊聯船七十餘艘突入南港大肆焚掠近港村庄受害甚慘與邦燮率兵丁鄉勇出城堵禦親冒鎗砲十有餘日殺賊數十

賊懼而退申嚴保甲法

十五年夏五月總督百齡遣降盜張保計擒海盜烏石二等礮之先張保與烏石二分道劫掠保在廣州各港烏石二在高雷瓊各港總督百齡遣人招安許以不死保先投誠烏石二不奉命仍往瓊州各港劫掠總督命提督童鎮陞總兵黃飛鵬率舟師百餘艘帶領張保出海剿捕百總督親至雷州督戰師至瓊州海面與烏石二符九家等船相遇保用計誘烏石二等入雷州雙溪港童提督黃總兵以大兵扼其後遂生擒烏石二烏石大符九

遂溪縣志

卷之二

紀事

三

家等全夥礮烏石二等九人於市餘黨數千人或誅或宥按律究辦海疆數十年虐燄至此方得銷滅有東海伯者先張烏而起亦投誠免死云

復設遂溪縣丞總督百齡平海以楊甘地方扼要奏設縣丞一員稽查草潭舊廟北羅烏石等處移右營守備於遂溪東山墟以海口左營守備駐白沙塘爲雷州右營守備

二十四年蠲免錢糧

今上御極道光元年

詔舉孝廉方正

蠲免錢糧

二十二年蠲免錢糧

二十六年知縣張樹勳倡捐賓興闔邑捐錢貳萬
千有奇買置田租以資士子鄉會試之費有記

二十八年知縣喻炳榮修復南門河故道有記並建

玉帶西水二石橋縣前街道均鋪砌以石行人便
之

星候

粵稽古制雷屬牛女分野則遂不待言矣天下形勢至大也自中土迄九垓莫不隸於二十八宿之內乾道下濟坤道上行陰陽合而化成焉夫箕星好風畢星好雨星有異好故民有異欲氣候之遲速人事之早晚可按候而考也志星候

星候志

分野

天文牛女分野

按禹貢淮海惟揚州周禮保章斗牛女當揚州之

遂溪縣志

卷之二

星土

三

域春秋元命苞牽牛流爲揚州史記天官書斗江湖牽牛婺女揚州魏晉書俱自斗十二度至女七度爲星紀吳越分野於辰在丑故廬江以南盡於珠崖皆揚州分域然續隋書鶉尾擁彗而吳越饑鶉尾者翼軫也是吳越與楚亦同分歐必元嘗志粵省至此葉春及至端州則又揆北極遠近謂尾箕當閩粵之南楊大史至惠州亦謂惠宜殷乎尾箕在斗牛下而以南粵錄左帶牛頭右據龍尾爲證總之三代以前北長南縮北踰朔方南止衛山百粵山川俱稱荒服不以列於分野故究冀并豫

所析轉繁而江漢以南惟荆揚稱焉今南方封域極於溟海斗旣以屬江湖而牛女二宿兼吳浙閩粵殊有未盡且星熒惑岳衡山粵於衡爲近則鶉尾同占固其所乎若謂尾箕爲閩粵則吾未敢然蓋幽燕之分業有定域但其次爲析木之津津者河也負海諸國皆以屬河故朝鮮之拔星莠於河界越亡熒惑守斗斗與牛女皆河側閩粵也而占在河津理或近之耳雷爲揚州外境卽以星紀析之爲占無幾又烏能寸寸而符之乎斗爲天廟牛爲關梁婺女爲少府其候不一大小之祥各以類

應謹修德刑以敬天戒則有土之責也已

謹按星野之說以僧一行之論爲確不以地里方位南北而定也三代以前嶺以外不入職方故止於荆揚吳越之占止於斗牛女舊矣嶺以外要以上下流別之附海者屬牛女五羊潮惠瓊乃邊海之縣屬之若自肇雄韶高皆直翼軫此其較也然順治十年冬蓬星出參之玉井斜行沒於天船而明年李定國出石城高州而敗於新會之古樓不能越江以及肇則高雷分野其在此乎

氣候

嶺南炎方氣候與中州別近山多燥近海多濕雷
山勢平行無嵐瘴患惟近挹洋海土卑而薄霜雪
之嚴遠不能加乃洪濤震蕩濕氣上蒸晴則甚熱
陰則轉涼一歲間暑熱過半入秋爲甚隆冬值晴
或至搖扇春夏多淫雨晨起積霧四塞三伏時偶
值陰翳便覺淒然衣服圖籍易生蟲蠹白醭舊志
謂陽氣常泄陰氣湧溢迭勝而相薄陽氣泄故人
腠疎多汗陰氣溢故人多體倦脚氣之病此濕熱
交侵所致也三縣氣候俱同諺傳嶺外四時皆似
夏一雨便成秋於遂爲尤信

遂溪縣志

卷之二

氣候

三

按遂邑三冬無雪四序皆春天氣多暖週年可以
種植農民擇種物所宜者隨時樹藝各有收成此
氣候之良生斯土者所以易資長養也而寒燠無
定潮氣蒸鬱物易蠹朽人易侵感致疾此氣候之
乖居斯土者宜加檢點調攝也

風候

海郡多風而雷爲甚其變而大者爲颶風颶者具
也具四方之風而颶忽莫測也發在夏秋間將發
時或濤聲倏吼或海鳥交翔或天脚暈若半虹俗
呼曰破蓬不數日則輪風震地萬籟驚號更挾以

雷雨則勢彌暴拔木揚沙壞垣破屋牛馬縮粟行人顛仆是爲鐵颶又颶之來潮輒乘之雷地卑迫海無山谷之限所恃宋元來堤岸然久則易崩潮衝輒潰浮空杳漫禾稼盡傷潮味鹹一歲罹害越三歲乃可種也颶之止亦有候起東北轉西或起西北轉東俱回南乃息否則踰月必再作尋常作必對其時日作次日止夜作次夜止有一歲再三作者有三四歲不作者

聖人在上風不鳴條海不揚波願爲雷祝之矣

星候多依洪志

遂溪縣全圖

遂溪縣志

卷之二

縣境圖

七

離三十里石城界

東至石門二十里吳川界

東南至東海一百

東北至兩家

海大抵里十四

北至太安舖三

塘安太



十里石城界

西至北至牛墟

仔四里石城界

遂溪縣志

社稷壇

新圩仔汎

桐油汎

汎文体

汎山里

汎馬蹄

汎本文

汎落下

汎馬蹄

龍灣子

螺岡嶺

汎中

港下

北羅埠

揮頭揮

港羅北

草潭埠

洲潭

草潭埠

港民樂

汎樂民

汎城月

山洋斜

塘頭河

汎山車

西南至樂民海岸

汎山口

港里博

汎排洪

港排洪


一百六十里抵大海

一百五十里

卷之二

縣境圖

七



疆域

自昔帝嚳區分九州疆域以辨至禹貢而山川土
壤莫不備詳使萬里提封咸歸卷帙實爲千古輿
圖之祖志乘仿之故覽圖籍而知地域廣輪之數
斯申畫郊圻慎固封守所由得其扼要也我
國家聲教覃敷無遠弗届銀虜拓地金虎開圖八紘
靜塵十洲澄鏡

大清一統志彙輯中外卽大章未及步豎亥不能詳
者莫不候月歸琛占風納賚幅員之廣亙古未有
遂邑之在黃圖直彈丸耳而生聚已盛邊徼不啻

遂溪縣志

卷之二

二六

通都此地北接石城南抵雷郡東西濱海浩汗茫
洋太安橋山車汎等處陸路之稽察固所必周白
鴿寒樂民汎各營水道之巡防尤宜加謹是在守
土者審其形勢以酌權宜之用矣志疆域

疆域志

按遂溪縣漢初乃徐聞地陳爲扇沙椹川縣隋開
皇十年置鐵杷縣唐貞觀二年省扇沙椹川入鐵
杷至德二年改鐵杷爲遂溪是合昔三縣爲一縣
地故疆域寬廣計周環五百五十里又東海一隅
隔海水程十里其地長約六七十里寬約三四十

里歸縣統屬

遂溪縣治踞山局勢宏厥斜離前峙射馬後屏清江右旋古塘左抱桑麻叢茂地土膏腴洵據一方山水之秀也

由縣城東至海頭砲臺七十里抵吳川藤城砲臺界

西至文體砲臺七十里抵大海

南至府城一百六十里

北至太安舖三十五里石城界

東南至東海洲一百四十里抵大海

遂溪縣志

卷之二

疆域

三

東北至石門河三十里抵吳川界

西南至樂民汛博里港海岸一百六十里抵大海

西北至橫山堡六十里石城界

山川

遂邑地脉來自石城境內多屬平行無甚崇山峻嶺而極目遐瞻亦見有聳秀岡巒各方分鎮茲採其著名者志之

射馬嶺

縣東北三十里高五仞廣十里狀如匹練元平章阿刺海牙提兵經嶺下試馬射故名

烏蛇嶺

縣東北二十里高數十丈周圍十里蜿蜒如蛇故名

石門嶺

縣東三十里縣城東西溪水合流由傍塘

壁聳峻障斷河流中闕若門以通潮之上下故名

石門海潮至自門湧入浪擊濤奔聲震林木山水

互映為

蔚翠嶺縣東南一百里高十餘仞東海盡處為東

指歸以為

交椅嶺

縣東南七十里高七仞廣

湖母嶺

縣東南六十里高五十餘丈其南即湖光

嶺

湖光巖

縣東南七十里自湖母嶺而南突起高峯

數處其東南一巖舊名白雲宋靖康間有僧琮師

遂溪縣志

卷之二

山川

三

湖光巖三字與琮師勒於石壁由巖左旋有石室

日七星仄徑雲封道僅通鳥右旋為白衣庵址巖

湖之先為甯托二村有白牛至宰而食之村陷為

湖惟老嫗不食存焉因名陷湖以水中皆黑沙石

至清無垢沒肩尙可數足指紋故亦名淨湖湖深

無底大旱不涸淋雨彌月亦不溢相傳有欲開此

水以灌田者鑿渠及水越宿而水下尺許人以爲

奇國朝康熙二十年知縣宋國用因忠定遺跡

構先賢書室以萊公並祀之又設義學建學屋一

僧舍李寇二公牌位亦廢

按石城縣志所傳羅湖白牛之事與此適同但古

羅州陷而為湖其城垣基址猶有存者今湖光乃

大嶺中自渦為湖四圍絕壁參天非村舍之場意

天地開闢自有此湖而世乃因羅湖白牛之事附

會於此乎洪志

昔僧琮師姓孫本邑人居是巖宋相李綱謫雷琮
謁見甚欵洽綱贈以詩布後往訪綱於天台山竟

圓寂於彼殆釋氏之
高深者歟附志於此

覆孟山縣東南一百里高十仞周
圍四十里山如覆孟故名

調雞門洲覆孟山南周圍一百五里民居六百餘
家以魚鹽為業隔礪洲僅一港地勢奔

趨如雞張
翼故名

麻囊山縣東南一百里枕海○按舊志隸海康東
北八十里然海康無東北地今考正

饅頭嶺縣東南十里

七星嶺縣南三十五里高十餘丈周圍十里小峰
拱列如北斗宋蘇東坡過此題石曰七星

秀拱

遂溪縣志

卷之二

山川

三

都壕嶺縣南三十里又名筆架嶺高十
餘仞周圍數里即縣治案山

斜離嶺縣南五十里高十餘仞周圍二
十里突起二峯勢皆斜列故名

英靈岡縣南一百四十五里距郡城五里自螺岡
嶺透迤曲折百餘里至此突起一岡如屏

如几為府治至山陳朝州民陳琪獵此獲一卵尺餘携歸一日雷震得一男養為子名文玉遂稱

岡為英靈村即今烏卵山通志移在英榜誤○按
海遂交界處今在郡城北門內洪志以此岡隸海

康按圖則為遂
溪地今正之

螺岡嶺縣西南七十里高二十仞周圍二十里盤
旋若螺形東西各立一巨石一曰螺岡神

一曰石頂神遇早禱之后因
颶風移螺岡神石像於山下

調樓山縣西一百五十里枕大海高十仞
周圍三百里洪志作縣西北誤

潤洲縣西南二百里海申周圍七十里古名大蓬
萊周圍皆海故名其地人多田少民以採捕

業為

蛇洋山 在閩洲南高十仞古名小蓬萊遠望之形如走蛇故名

遂溪之東水為吳川之后門河南流八九十里至

海頭東頭山 在海中洲地前遷今復 入海與高州梅菪之水

合陶洲峙其中東為吳川之芷芎西為遂溪之東

海五圖自五圖之外為洋海在五圖之內為內海

內海之西為府城特置白鴿水寨守焉

遂溪之西為橫山江水自博白 廣西地方 經石城至此

入海其下流為遂溪之羊角埠乃遂溪西水入海

之口也自羊角埠沿海南去百四十里為樂民所

遂溪縣志

卷之二

山川

三

舊設千戶所鎮其地乃雷州之西臂與海康所相

接應府協置兵守之

東溪水 縣城東流向南歷午安橋今名西水橋與西溪水合出傍塘橋

西溪水 縣城西發源於石城清音橋流至城南會東溪水出傍塘橋水之南有傍塘廟故以

名橋傍塘水復轉東歷烏蛇嶺脚出石門嶺歸海

鐵杷水 縣東南七十里發源於潭北岸流向南合麻洋港隋開皇間於東岸建鐵杷縣故名

三鴉水 縣東南二里發源於本都潭大坡流向東合傍塘水傍有三石如鴉故名

乾零水 縣南一百二十里經吳村十里合通明港轉東入海

城月水 縣西南七十里發源於螺岡山下東流合武樂流牛灘二水出莊家出庫竹渡入海

北京灘水 縣西南七十里發源於螺岡嶺流至陳家洋會城月水落斗門出庫竹歸海

橫山水 縣西六十里發源於廣西出橫山堡至縣

九曲溪 發源螺岡嶺腳灣環九曲至落馬橋西流

牛鼻水 發源螺岡嶺腳水出兩穴形如牛鼻西流

平樂港 縣東四十里

樂民港 卽蠶村港縣西

抱泉港 縣西南四

博格港 縣西南一

調神港 縣西南

麻洋港 縣南八

通明港 縣南一百

遂溪縣志 卷之二 山川

麻凖港 縣南一百

庫竹港 縣南七十里

麻豐港 縣東二

龍潭 縣北二十里廣十餘丈一大一小中夾二小

常得雨

水利

甘井 北門舖內明洪武間

白石青井 縣南三十

全石井 在蘆山社和家東村此井深丈餘闊二尺

又一小井深二尺餘潤尺餘水極清

甘四時不涸以甕盛之味久而不變

拜揚泉 在海頭營

吳公泉 在遂溪城東數十步

陸公泉 詳見陸公事蹟

特侶渠 亦號何公渠 導特侶塘水至天后宮前 與以灌東洋萬頃田 明萬曆三十年 渡行人其支流

推官高維岳 添石砌濬民咸利之

都賀陂 縣南五十八里 元縣令都賀築 因名灌雲 腳等處田 明洪武間 縣丞薛成玉重修

東溪陂 縣城外東北隅 距縣半里 明嘉靖十年 知傍塘橋下 萬曆五年 署縣推官陳王政補築

堤自東山坡尾 築接水旋出橋上 環抱縣城

潭車塘 縣南一百八十里 潭車村元時開築 廣十縣張昭重修

重修

遂溪縣志

卷之二

水利

三

古州塘 縣南一百八十里 古州村宋知軍事俞令築 廣十五畝 其水灌古州田 明洪武二十

年知縣王淵重修

張贖塘 縣南一百四十里 張贖村原名張熟 宋何東洋田明洪武開縣丞薛成玉重築 歲久開廢 嘉靖間鄉民買為田 郡人張一拱尋贖還為塘 因名

日張贖塘 久廢為田

都典塘 縣南一百八十里 都典村元時開築 廣六畝 灌東洋田 明洪武間 縣丞薛成玉重修

蓮藕塘 縣東二十里 蘆荻坑村南林王鄭三姓築 灌田數百畝 舊常種蓮 故名

曾古塘 縣北一十里 排後舖明洪武間知縣張昭築 廣三畝 灌東山村田

調離塘 縣南一百二十里 塘邊村明洪武間知縣張昭開築 廣二十畝 灌本村田

徒磊塘 縣南一百里 東岸村明洪武間縣丞薛成玉修築 廣二十畝 灌東岸田 二頃餘

那都流潭塘縣東南七十里大塘村明洪武間修築後水涸塘涇民居承買為田

那詠塘縣西北十五里官井村元時修築廣十餘畝積水灌本處田明洪武間重修

黃家塘縣南一百八十里居梅村明洪武間修築廣十畝灌居梅村田

平餘塘縣東北十五里白沙村明洪武間修築廣十餘畝灌本處田

博格塘縣南一百八十里元時修築灌博格洋田明洪武四年知縣王淵重修久廢為田

賓安塘縣南八十里陳家村明洪武間知縣張昭重築灌那琉璃坑田

司馬塘縣西南六十里司馬村前周圍數里官地灌溉司馬等處七坑田

特倡塘廣四十八頃在縣南一百四十里小山村西宋知軍事何庾開渠築堤建閘橋導流

以灌東洋田四千餘頃知軍事戴之邵重修明洪武四年同知余麒孫沿舊開築萬曆三十二年司理高維岳以第十一閘最關利害採石砌築設閘

板定上中下水則以時啟閉二十七年同知張應

遂溪縣志

卷之二

三

麟將寄掉塘沒官穀價買石堅砌除第一閘聽民呈豁外自第二至第十等九閘修築完固麟白為記周國朝雍正十年知府業思華以第十一閘開板前用五塊積水過多改用三板啟閉總以舊碑中字為則

歐陽保記曰予壬子春隨同寅至勸農亭徘徊特

侶深幸東洋之有是塘蓋天造地設以粒此方民

者歟前此者修築建閘頗費心力但第十一閘設

板置鎖郡屬一官司之似覺未善夫有利其閉者

必有利其開者倘霖雨陡作眾流奔赴欲趨郡城

取鑰十里之遙豈能遽至滿泛溢害有不可言

者余詎弗鎖弗板之為便惟用石砌一平水斯閉

與開兩家之患息矣後署事竟撤鑰不用欲伐石
砌未暇至今民未有告溢與壑者則法亦不宜太
密耳因記於此

圖附

特侶塘渠圖


遂溪縣志


卷之二

水利

三

特侶塘渠圖







蓬溪縣志

卷之二

水利

三

第一金雞閘

呈豁

第二田芋閘內濶一尺六寸外濶一尺七寸內外俱高二尺四寸

第三孟山閘內外俱濶一尺內高一尺六寸外高一尺二寸

第四小山北閘內外俱濶三尺內高二尺五寸外高三尺

第五小山南閘內外俱濶一尺八寸內高二尺外高二尺六寸

第六南東閘

久廢

第七南山閘內外俱濶一尺一寸高一尺三寸

第八邁奏閘內外俱濶八寸高一尺六寸

第九南畝閘內外俱濶一尺六寸高二尺二寸

第十水門閘

久廢

第十一卜札大閘濶七尺二寸高六尺二寸跨石
爲橋

上各閘口舊志有其名數而廣狹高低不載尺
今除三閘豁廢無考外謹將各閘現在尺寸載
之以備覽

案舊志特侶塘戴公渠各注及宋李仲光修百丈

遂溪縣志

卷之二

水利

三

橋明張應麟重修堤閘二記塘周四十里積稅四
十八頃宋知軍事何庾開渠築堤建閘導流灌東
洋田四千餘頃後守戴之邵以何渠近山易湮乃
別開一閘導流而南至東橋與西湖渠合沿渠築
堤置八橋以通往來開八渠以分灌溉東建萬頃
閘以拒水啟南亭閘以洩水塘堤建八橋開二十
四渠以沃東北上游之田凡渠首尾悉爲閘以資
出納其時應如何啟閉並無一定水則至明萬曆
三十二年司理高維岳以塘西南卑下第十一閘
最關利害採石砌築始設閘板立石碑定爲上中

下三則以時啟閉三十六年同知張應麟因私插
占塘親勘情形除第一閘聽民呈豁外復修砌第
二至第十各閘完固令俱做上中下三則爲蓄洩
鑰匙交官收管是水則碑之立距開渠設閘時已
踰四百餘載意其時塘身業經淤淺不及從前容
水之多不得不因時調劑

國朝雍正十年知府葉思華又以塘上下互相爭執
查悉從前用閘板五塊每塊寬八寸積水四尺遇
雨過多山溪泛漲之時未免有傷塘上田禾定爲
用閘板三塊積水二尺四寸其啟閉惟以舊碑中

字爲準則若雨潦水過中字之上則提二板洩水
以免塘上淹沒或天旱水落中字之下則提一板
以資塘下灌溉常時水與中字相平則三板俱札
不許擅開亦不得堵塞是水則之碑雖存舊制而
已置上字於無用自係一百二三十年間淤泥所
積塘身又淺於前是以就其則而變通用之期於
上下允協乃定斷之後仍爭執如故嘉慶十六年
六月中約志局遂溪舉人王居敬周植海康恩貢
鄧啟南親履其地僉同塘上廩生陳占魁武生吳
國瑀塘下廩生張江湖公同相視維時正值雨後

第十一閘閘門無板用竹箔堵塞驗石碑上字末筆與水面相平周閘塘上偏西各田其塍基去水面約在一尺內外適洿雲驟作匆匆歸郡其偏東一帶未及日覩七月初五日颶風從西北挾雨而來周時乃復初八日復約同局王居敬周植鄧啟南再行相視徑至偏東一帶則汪洋一片塘田不分乃駕小艇由塘溯田而上約二里許田中之水深猶及膝各出塍基在水下幾一尺回視第十一閘開口廠開板箔全無驗石碑則水已溢過上字上橫格之外一寸歸途所經塘下近塘各田亦開

有被淹之處惟卜札村邊一帶則秧針尙隱隱在渾流底也因思古循良因民所利計出萬全深其塘以蓄水多其渠以引水渠各有閘以出納水三者相輔而行故農人有灌溉之利而無淹沒之患而三者中渠爲尤要自閩代旣綿渠之近山者砂礫以漸而積地力日盡渠之在田者阡陌以漸而闕今考各渠大半夷而爲田惟卜札大渠受第十一間之水亦流至馮村庄前卽經砂礫淤塞東洋之田毫無沾潤而水轉東行合塘堤第二以下各閘之水經東北上游之田出海堤麻烈麻洋麻婁

三閘入海若當大雨泛漲十二坑之水猝然而至
往往爲三閘之所不及消則不獨塘上之田淹浸
而塘下東北上游一帶亦不能不受其泛濫此必
然之勢也積弊雖久舊址仍存濬塘身疏渠流復
各閘之舊鄭白之功惟良二千石任之矣

郡志

遂溪堤

甲字號四百五十二丈河北水閘一

乙字號四百五十二丈北家水閘一

丙字號四百五十二丈舊榕水閘一今無閘

丁字號四百五十二丈舊無水閘今大閘一小閘

遂溪縣志

卷之二 水利

三

一大閘名
一麻履閘

戊字號四百五十二丈無水閘

己字號四百五十二丈李家水閘一

庚字號四百五十二丈舊無水閘今閘一

辛字號四百五十二丈麻洋水閘一

壬字號四百五十二丈麻萸水閘一

癸字號四百五十二丈無水閘

壬癸二堤當通明港屢有屢陷後以

壬癸字屬水改名又戊
又己此十號亦爲大堤

上共十號計堤長四千五百二十丈爲閘八所

起接海康軫字盡於進德大村

雷郡濱海近郭東南平疇數萬頃居民數千戶颶風時作鹹潮漲溢田禾廬舍屢被浸沒宋紹興間經界司始委胡簿沿海築堤以禦之一起自下坡渡袁延而北轉西至調排北洋一起自蕭家洋袁延而西轉南至扶柳洋一起自白院渡袁延而東轉北至進德村

乾道五年知軍事戴之邵以前堤尙隘復於胡簿堤外增築盡包濱海斥鹵之地高廣倍前墾田數百餘頃名曰陳言因陳氏建言而成也其後提刑張琮通判趙希呂知軍事薛直夫孟安仁相繼修

築

元宣尉使張溫復行修築

明洪武四年同知余麟孫海康知縣陳本遂溪知縣王淵協議修堤岸以千字文天地元黃下二十四字分號起自下坡渡之堤以閏餘成歲下十六字分號起自蕭家洋之堤謂之海康南堤以二十八宿字分號起自白院止於東洋河南村之堤謂之海康北堤以甲乙丙丁十字分號起自東洋河北村止於進德村之堤爲遂溪堤

成化八年颶風壞堤知府黃瑜委推官秦鍾縣丞

周榮督修尋復崩知府魏瀚繼築

正德十年又圯知府王秉良增築功倍於昔

嘉靖三十一年颶風大作鹹潮泛漲南北二洋居民漂沒千餘家淹死數千人知府羅一鶚調三縣人夫修築

萬曆十六年十八年颶風連作堤多陷至基兩洋居民蕩折殆盡田數萬頃悉屬荒蕪知府林廷陞委海康知縣秦懋義親勘支庫銀一千五百兩丁糧起派銀一千五百兩委推官陳泰旦督工從底修築高大倍前內河渠閘口俱用石砌

遂溪縣志

卷之二

水利

三

萬曆四十二年遂溪縣丞賴愈秀申詳修築上癸二堤加新堤四百三十六丈修舊堤二千七百八十丈

國朝康熙三十五年郡人福建巡撫陳瓚以堤岸歲久崩陷奏請修築

聖祖仁皇帝准飭能員才吏動支帑項五千三百二十四兩購料鳩工大加補築陳瓚復奏粵洋自海康井字堤至遂溪癸字堤共一十七字其堤正當海潮濶處修築不固最易冲决願將己廉銀五千兩交粵省督臣添採木料磚石以求永固并後遇有潮

水崩傷動帑修理康熙五十六年奉

旨准奏

雍正八年知府葉思華修麻萁麻洋二水閘

乾隆五十六年遂溪首事廩生黃允良等呈明知

縣喻廷中科派修築東洋甲乙丙丁十字大堤

嘉慶三年遂溪首事職員黃允尊呈明知縣翟察

倫科派修築東洋甲乙丙丁十字大堤

東山岸

在東海明嘉靖五年莊強糾集五圖人民呈報奉旨築塞約百餘丈擋潮耕種

共起稅租貳拾餘石岸頭現有古碑

長生泉

縣南三十里水從石出灌注千頃洋田遇大旱四處皆涸此泉如故三十餘里之民

遂溪縣志

卷之二

水利

器

畜賴之

茅花塘

在黃處村黃姓開築

聖塘埭溝

在橋西村監生茅濟開鑿灌溉十餘里

上四條增入

珠海

對樂珠池

在遂溪縣西南一百五十里第八都樂民千戶所城西海內漢武無考自劉錕

置媚川都宋開寶以還遂置場司或採或罷洪武

二十九年詔採未有專官正統初始命內官二員

分鎮雷廉珠池初傍池建廠專守防盜成化年遷

廠郡城大為民害正德中採珠樂池無珠罷採未

年太監趙蘭激變御史陳實奏革雷州守池太監

總屬廉池內相管理嘉靖八年復採珠都御史林

富奏止之九年林富復奏革廉州珠池市

船內相專敕海北兵巡道帶管兩郡安輒

歐陽保論曰吾觀對樂池竊慨投珠抵璧之風澤

梁無禁之政遐哉不可追矣夫珠者飢不可食寒

不可衣而眾貴之以上用也雖精光陸離要不過

為簪珮飾何與人身輕重之數而人主直封為一

遂溪縣志

卷之二

珠海

己利令胠攘成風怨厲四起則珍珠之奇母乃為

人崇哉子罕謝宋人曰汝以玉為寶我以不貪為

寶若以與我是喪寶也不若人有其寶夫一小國

大夫猶知自愛其寶况撫有四海者乎余讀開採

疏每次費金錢若干緡所得珠不償所失而蹈命

供輸之下委骨海魚之腹者莫可紀極焉有惻心

者奈何以數萬生命供宮闈一簪珮之飾也夫珠

與玉並珍未聞玉田受封者獨珠池禁防甚嚴何

哉內使貽害往事不具論即今濶洲設一遊擊又

設左右中三都分防之橫山息安有堡樂民有所

設左右中三都分防之橫山息安有堡樂民有所

凌祿巡檢有司軍兵樓櫓甲盾戈矛紛紛綸綸無
非爲禁池用費不貲矣利之所在皆爲賁諸遠方
豪有力者高檣大艦走海如鶩堅器鋸刃與官兵
決死生於波濤卽扞網觸法所不顧沿邊細民或
接濟或舶筏招集亡命假捕魚而探龍淵者其麗
不億偶一緝治非遊魂狂狴卽假息城且至於防
守諸弁多陽禁陰縱與之爲市人思染鼃鼎而嘗
焉卽文臣中倘不自愛一中其餌未有不敗名辱
節者其自愛者鞭長腹遠竟亦莫如之何嗟乎天
苞地孕豈欲禍此一方哉卒以珠賈禍若此則封

殖使然也故爲國計以民利爲寶珠璣不與焉爲
雷民計以無珠爲福多寡弗與焉孟嘗去珠復還
千古詡爲盛事余謂珠物也安知去還卽去還何
關於大守民蓋誦其廉而不得特假珠以神奇之
耳對樂池往採無珠乃今數年來生入港內倘以
去還論則孟嘗不得專美矣詎知珠之盛害之貽
也余於此有三慮焉天地精華之氣鍾於人爲英
傑結於物爲珍奇此有所盛則彼有所衰可慮者
一慣盜魁渠乘風颺起千百連鯨勢難究詰劫海
劫村機將醞釀可慮者二貂璫豺虎無日不耽耽

海內利孔而借之一旦簧鼓爚亂間抔命下曩時
搏刦之害又見今日可慮者三有此三慮則珠惟
患去之不遠矣况敢望其還哉當此時倘有能爲
民請命盡弛池禁與民共之則諸害除諸費省其
利於國也大矣卽宮闈簪珮之飾難云盡屏何至
患於無珠也投抵之風無禁之政上追聖軌而雷
地受福蓋無量也已

海產珠方內惟雷廉爲然廉州海池五雷僅一焉
一之產不與五埒然關雷利害匪細似不可有兩
也猶憾其有一也記者以與蓮池放生池一類附

遂溪縣志

卷之二

珠海

七

載則關於輕重之較矣余雖理官祇稽爰書覩蚩
蚩貪夫以身殉珠不勝胡賈之慨因思雷一池一
穿也况于廉之五乎故特標而出之以告夫留心
地方者

洪志

潮汐

雷郡潮汐與廣州畧同其壯盛悉視月之朔望爲
候一月之再盈再虛如前月二十五六潮長至朔
而盛初三而大盛後又漸殺十一二又長至望而
盛十八而大盛後又漸殺新舊相乘日遲一日每
歲八九月潮勢獨大夏至潮大於晝冬至潮大於
夜此其大較也

